

რა უნდა იხილოს ამომრჩეველმა?




იხილეთ მე-3 გვერდზე

პარტიები ქუთაისში სააბიტაციო მასალას კანონდარღვევით ავრცელებენ

იხილეთ მე-4 გვერდზე

ამომრჩეველთა სია ისევ რჩება აქილევსის ქუსლად



ქუთაისის №48 სამაჟორიტარო ოლქის ერთ-ერთ უბანზე სიაში რამდენიმე მიცვალებულია. იუზა ცუცქერიძეს (ზვიად გამსახურდიას I შესახ. #9/33), გალინა ცირანკოვას (ზვიად გამსახურდიას I შესახ. #9/3), ანასტასია ციციკოვას (ზვიად გამსახურდიას I შესახ. #19) ეთერ ხარაზიშვილს (ჯავახიშვილის 83, ვახტანგ კაჭუნაშვილს (რუსთაველის მე-4 ჩიხი #6) აღნიშნულ მისამართებზე საპარლამენტო არჩევნების მოსაწვევები წელსაც მიუვად, მიუხედავად იმისა, რომ მათი მისამართი უკვე იმერია.

ქუთაისში 152 000 ამომრჩეველია და რეგისტრირებული, ეს მონაცემები სამაჟორიტარო ოლქს მოიცავს, ანუ ქუთაისის მცხოვრებლებს პლუს თერჯოლის რამდენიმე სოფელი. ოპოზიციური პარტიების წარმომადგენლები აღნიშნავენ, რომ ამომრჩეველთა სია კვლავ რჩება ცესკოს აქილევსის ქუსლად.

პაატა ბურჭულაძის პარტია სახელმწიფო ხალხისთვის შტაბის უფროსი №48 მაჟორიტარო ოლქში აღნიშნულ პრობლემებზე მუშაობს და ცოტა ხანში გარდაცვლილთა

სრული სიის გასაცნობად ბრიფინგი მოწყობასაც გეგმავს.

„იუსტიციის სამინისტრო წელიწადში ორჯერ ანახლებს ხოლმე საარჩევნო სიას, სწორედ იმიტომ, რომ მსგავსი ტიპის პრობლემები არ არსებობდეს და ამომრჩეველთა სია რაც შეიძლება დახვეწილი და რეალურ სურათთან მაქსიმალურად მიახლოებული იყოს. როგორც ჩანს, სამინისტროს ამის გაკეთება არ აწყობს. ხელისუფლება აღარც კი ახსენებს ბიომეტრიულ სიებს,“ – აცხადებს ვანო კაპანაძე.

„პატრიოტთა ალიანსის“ ქუთაისის #49-ე ოლქის მაჟორიტარობის კანდიდატის, გოგი წულაიას განცხადებით, ამომრჩეველები არარსებულ მისამართზე არიან რეგისტრირებული. მისი თქმით, ამის შესახებ ინფორმირებულია ცესკო და ქუთაისის საოლქო საარჩევნო კომისიაც, მაგრამ რეაგირებას არ ახდენენ.

„ორი თრამპეტსართულიანი კორპუსი არის საოლქოს საზღვრებში, რაც ბუნებაში არ არსებობს. ქუთაისში არ არის ასეთი კორპუსები. გარდა ამისა, სახანძროში, ელექტროსადგურში და ასეთ ობიექტებში არის ხალხი რეგისტრირებული. 1000-მდე ოჯახი არის პაერში, რაც იმას ნიშნავს, რომ დაახლოებით 4000 ამომრჩეველი ყალბი პასპორტით დადის ქალაქში. მოვუწოდებ საოლქო საარჩევნო კომისიას გადახედოს საზღვრებს და ამოიღოს სიიდან არარსებულ მისამართზე რეგისტრირებული ოჯახები,“ – აცხადებს წულაია.

პატრიოტთა ალიანსის შტაბის უფროსიც გოგიტა ხურციძე ამბობს, რომ სიებთან დაკავშირებით სერიოზული პრობლემები არსებობს: „ჩვენი სია არის გაბერილი, ისეთ მისამართებზეა ხალხი დარეგისტრირებული, რომელიც ბუნებაში არ არსებობს.“

ნაციონალური მოძრაობის მაჟორიტარობის კანდიდატი ვია თევდორაძე აცხადებს, რომ ამ არჩევნებისთვისაც, ისე როგორც გასულ წლებშიც, სიებში არის გაორბეები, არარეალური მისამართები, არიან „მკვდარი სულები“ უმისამართო ადამიანები.

„ამ შემთხვევაში, არ მგონია, ეს იყოს მიზანმიმართული ღონისძიება არჩევნების გასაყალბებლად. ეს პრობლემები ნათელსკოფს, რომ ცენტრალურ საარჩევნო კომისიას ორგანიზებულობის და შესაბამის სტრუქტურებთან კოორდინაციის პრობლემა კვლავაც გააჩნია. მიუხედავად იმისა, რომ ჩვენთვის ობიექტურ სიებს აქვს უდიდესი მნიშვნელობა, შედეგობრივად ეს მდგომარეობა ვერაფერს შეცვლის. ჩვენ სრულ მზადყოფნაში ვართ, დავიცვათ ჩვენი ამომრჩეველების ხმები,“ – აცხადებს გიორგი თევდორაძე.

ქუთაისის 59-ე საოლქო საარჩევნო კომისიაში აცხადებენ, რომ სიებში არსებული ხარვეზების შესახებ ინფორმაციას ახლა აგროვებენ.

„საუბნო საარჩევნო კომისიის წევრები ამჟამად არიან საპარლამენტო არჩევნების მოსაწვევებს და შესაბამისად აღვიღებთ გასვლით ღვინდება, ვინ მიიღო რეალურად ეს მოსაწვევები, რამდენია გარდაცვლილი, რამდენია ემიგრაციაში, ან ვინ არ არის სიაში, არსებული მონაცემების შესაბამისად მოხდება შესწორებები“.

არჩევნების ღვემდე არაუგვიანეს მე-16 დღისა, ანუ 2016 წლის 22 სექტემბერამდე, თითოეულ მოქალაქეს საკუთარი მონაცემების გადამოწმება შეუძლია სპეციალურ საიტზე - voters.cec.gov.ge

ამომრჩეველთა სიაში მონაცემების გადამოწმებისას, მომხმარებელი ასევე ნახავს ინფორმაციას, თუ რომელ საარჩევნო უბანზეა რეგისტრირებული. უზუსტობის აღმოჩენის შემთხვევაში, დაინტერესებულმა პირმა შესაბამის საარჩევნო კომისიას უნდა მიმართოს, და მოითხოვოს ცვლილების შეტანა.

აპა ჩინიჭიშვილი



სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

ცესკომ ახალი მონაცემები მიიღო

ცენტრალურმა საარჩევნო კომისიამ (ცესკო) 16 სექტემბერს ამომრჩეველთა შესახებ განახლებული მონაცემები მიიღო. ცესკოს თავმჯდომარე თამარ ჯვანიას და თავმჯდომარის მოადგილე გიორგი შარაბიძეს მონაცემების ელექტრონული ვერსია იუსტიციის სამინისტროს სახელმწიფო სერვისების განვითარების სააგენტოს თავმჯდომარე გიორგი პატარაიძემ და თავმჯდომარის მოად-

გილე მამუკა სამხარაძემ გადასცეს.

სააგენტომ ცესკოს 3 577 375 პოტენციური ამომრჩეველის მონაცემები გადასცა. ცენტრალური საარჩევნო კომისია აღნიშნული მონაცემების საფუძველზე კიდევ ერთხელ განახლებს ამომრჩეველთა ერთიან სიას.

მონაცემების ხელახალი დამუშავების შემდეგ, ამომრჩეველთა განახლებული

სიების საჯარო ინფორმაციისთვის მიკუთვნებული ვერსია ხელმისაწვდომია საარჩევნო რეგისტრაციის მქონე პარტიებისთვის, საარჩევნო ბლოკებისთვის, საინიციატივო ჯგუფებისთვის, საარჩევნო კანონმდებლობით განსაზღვრული დამკვირვებელი ორგანიზაციებისა და ამომრჩეველებისთვის (ამომრჩეველს უფლება აქვს, მოითხოვოს მხოლოდ საკუთარი და ოჯახის წევრების შესახებ არსებული

ყველა მონაცემის გაცნობა და მათში ცვლილების შეტანა).

სიაში უზუსტობის აღმოჩენის შემთხვევაში, დაინტერესებულმა პირმა შესაბამის საარჩევნო კომისიას ან სახელმწიფო სერვისების განვითარების სააგენტოს უნდა მიმართოს არჩევნების ღვემდე არაუგვიანეს მე-16 დღისა (2016 წლის 22 სექტემბერი) და მოითხოვოს ცვლილების შეტანა.

მინაზე საკუთრების რეგისტრაცია გამარტივდა

იხილეთ მე-3 გვერდზე

PS news.ge



დავით სერგეენკო: „ქართული ჯანდაცვის სისტემა უმაღლესი ხარისხის, ეპროკუალი სტანდარტების შესაბამისი გახდება“

საყოველთაო ჯანდაცვა „ქართული ოცნების“ ერთ-ერთი მასშტაბური და წარმატებული პროექტია. მისი დამსახურებით, საქართველოს არაერთი მოქალაქისთვის გახდა სამედიცინო მომსახურება ხელმისაწვდომი. ფაქტობრივად, ეს ის პროექტია, რომლის სიკეთეც ასობით ათასმა მოქალაქემ უკვე იგრძნო და შედეგად შრომის, ჯანმრთელობისა და სოციალური დაცვის სამინისტრო საზოგადოებამ ერთ-ერთ უწვევად აღიარა. თუმცა, ცხადია, ჯანდაცვის სამინისტრო მხოლოდ ამ პროექტით არ შემოიფარგლა – დავით სერგეენკოს მტკიცებით, პარალელურად, არაერთი, საქართველოს მოქალაქეების ინტერესებზე ორიენტირებული პროექტი ხორციელდება. სამომავლოდც უამრავი სიახლე დაგეგმილია. ჯანდაცვის მინისტრი იმედოვნებს, რომ სწორედ ამ რეფორმების დამსახურებით, საქართველოს ჯანდაცვის სისტემა ევროსტანდარტების შესაბამისი გახდება.



ხელისუფლებაში მოსვლის დღიდან, ჩვენი ერთ-ერთი მთავარი საზრუნავი ისაა, საქართველოს ყველა მოქალაქისთვის, დროული და ხარისხიანი სამედიცინო მომსახურება ხელმისაწვდომი იყოს. სწორედ ამიტომ, საყოველთაო ჯანდაცვის ამოქმედების შემდეგ, ჯანდაცვის სამინისტრო ახალ მიმართულებებზე გადავიდა და პირველადი ჯანდაცვის რგოლის რეფორმა დაგეგმეთ. ჯანდაცვის პირველადი რგოლის ხარისხიან მუშაობაზე დიდწილად არის დამოკიდებული საქართველოს მოსახლეობის ჯანმრთელობის ხარისხი და სერვისების ხელმისაწვდომობა.

როგანი დამოკიდებულება მოყვა. ზოგმა ჩათვალა, რომ ისინი უხარისხოა.

ზოგად, საზოგადოების დიდი ნაწილი მტკიცებულად რეაგირებს ნებისმიერ ცვლილებაზე. წამლების ფასი მძიმე ტვირთად აწევდა პაციენტებს. საჭიროა, ფარმაცევტული ხარჯების რაიმე გზით შემცირება. ამ შემთხვევაში, ოპტიმალური გამოსავალი ეკონომიური შედეგების მქონე ჯენერიკ მედიკამენტების შემოტანაა. ჯენერიკების სემინარების გაფართოება აუცილებელი პირობაა იმისათვის, რომ მედიკამენტებზე ხელმისაწვდომობა გაიზარდოს და მეტი სტიმული ადგილობრივ წარმოებას მიეცეს. თუმცა, პარალელურად, აუცილებელია მედიკამენტის ხარისხის კონტროლის სისტემის გაძლიერება, რაც უკვე დაწყებული გვაქვს და ვცდილობთ, არ დაუშვათ, ქართულ ფარმაცევტულ ბაზარზე უხარისხო პრეპარატი მოხვდეს. სხვათა შორის, პერიოდულად სამინისტრო უფასო მედიკამენტების გადაცემის პროგრამებსაც წარმატებით ახორციელებს.

მედიკამენტების უფასოდ ჩეპატის დიაგნოზის მქონე პაციენტებიც იღებენ. იფისიდან, შესაბამის პროგრამაში ჩართვის კრიტერიუმები გაუქმდა. ნიშნავს თუ არა ეს იმს, რომ პროგრამა წარმატებით მუშაობს?

ჩეპატის ელიმინაციის პროგრამა მხოლოდ ჯანდაცვის სამინისტროსთვის კი არა, ზოგად მთავრობისთვის, უმნიშვნელოვანესია. ის მხოლოდ იმით არ დაიწყეთ, რომ ამ დიაგნოზის მქონე პაციენტებისთვის საჭირო პრეპარატები ყოფილიყო ხელმისაწვდომი. მიზანი ისიც იყო, რომ ზოგად, ახალი შემთხვევების აღმოცენებას შევეშალათ ხელი. ამ მიზნით, უკვე გამოკარდა კონტროლი სამედიცინო დაწესებულებებში, სტრუქტურალური კაბინეტებში, ტრანსპორტულ სილა-მაზის სალონებში. პროგრამით უკვე 10 ათასამდე მოქალაქე სარგებლობს. გვაქვს გამოჯანმრთელებული პაციენტებიც. 10 იფისიდან კი, ჩეპატით დაავადებულ მოქალაქეებს მკურნალობა კრიტერიუმების გარეშე შეეძლება ისარგებლოს. მათ საშუალება ექნებათ, ჩეპატის ელიმინაციის სახელმწიფო პროგრამისა და ღვიძლის დაზიანების ხარისხის სიმძიმის მიუხედავად, უსასყიდლოდ მიიღონ უახლესი თაობის მედიკამენტები. აქამდე ამის საშუალება მხოლოდ ყველაზე მძიმე კლინიკური მდგომარეობის პაციენტებს ჰქონდათ. პარალელურად, პროგრამაში ჩართვის პროცედურაც გაუმარტივეთ – აქამდე პაციენტს განაცხადის შეტანის

მკურნალობის დაწყებამდე სჭირდებოდა 2 თვე, ეს ვალა 2 კვირამდე მცირდება. ამ ცვლილებების მიზანია, რაც შეიძლება მეტ ადამიანს მიეცეს პროგრამაში ჩართვის საშუალება.

საყოველთაო ჯანდაცვის პროგრამის მიზანაც ხომ ის იყო, რაც შეიძლება მეტ ადამიანს ესარგებლა სამედიცინო მომსახურებით. ოპონენტები მუდმივად ცდილობენ ამ პროგრამას ხარვეზები უბოვონ. გამართლა თუ არა საყოველთაო ჯანდაცვამ და რამდენად მდგრადია ეს პროგრამა?

ნებისმიერი რეფორმის განხორციელებისას ხარვეზები შეიძლება ეტაპობრივად გამოჩნდეს. მთავარია, გზადაზნა მათი გამოსწორება შევძლოთ. მთავარი კი შედეგია. ვფიქრობ, საყოველთაო ჯანდაცვა ერთ-ერთი წარმატებული პროექტია, რადგან სწორედ მისი საშუალებით, საქართველოს მოქალაქეებს, დროული და ხარისხიანი სამედიცინო მომსახურების მიღება შეუძლიათ. რაც შეეხება პროგრამის მდგრადობას, მისი უზრუნველყოფისთვის რამდენიმე რეფორმის განხორციელება იგეგმება. მაგალითად, ხარისხის კონტროლის სისტემის პირველი ნაბიჯი არის დანერგვა და პერსპექტივაში სრულყოფილია. ხარისხის დაცვით უზრუნველყოფის შემთხვევაში შეიძლება დაიზოგოს მთლიანი ჯანდაცვის დანახარჯების 30%. ჩვენ არ გვაქვს განცდა, რომ პირველივე თვეებში მივაღწევთ ამას, თუმცა ხარისხის ტოტალური მენეჯმენტი არის პირველი გზა იმისათვის, რომ პაციენტმა მიიღოს ხარისხიანი მოვლა, სამედიცინო დაწესებულებას დაეზოგოს თანხა და სახელმწიფომ შეძლოს საბიუჯეტო სახსრების რაციონალური გამოყენება.

ახლ საყოველთაო ჯანდაცვა არ გაუქმდება, როგორც ამას ვარაუდობენ?

საზოგადოებრივად ვცხადებ, არ მოიაზრება რაიმე სახით დაგეგმილად მიზნობრივ ჯანდაცვას. საყოველთაო ჯანდაცვა შენარჩუნდება. უბრალოდ, გარკვეული ცვლილებები შეეიტანეთ მკურნალობის ხარჯების სახელმწიფო მას უფარავს, ვისაც ეს უფრო მეტად სჭირდება. საყოველთაო ჯანდაცვა არსებული დეფინიციით არის შემდეგი, რომ სახელმწიფო ქმნის მოსახლეობის 100 პროცენტით დაფარვას, თუნდაც საბაზისო მომსახურებით. არსებობს მოქალაქეების გარკვეული კატეგორია, რომელშიც სახელმწიფო ფულს არ ხარჯავს, სწორედ ამ ხარჯებს ვამისამართებთ მათზე, ვისაც დაბალი შემოსავალი აქვს ან საჭიროებს მეტ მხარდაჭერას.

ოპონენტები ამტკიცებენ, რომ საყოველთაო ჯანდაცვამ სამედიცინო დაწესებულებებს შეუქმნა პრობლემა, რომ

სახელმწიფოს დავალიანება საავადმყოფოების მიმართ, 2015 წლის მდგომარეობით, 65 მილიონ ლარიაო. მართალია დეფიციტურია პროგრამის ბიუჯეტი და დამატებითი ვალის აღებაც მოგიწევთ?

ასეთი ტიპის განცხადებებს მიზანმიმართულად ავრცელებენ. შარშანაც, მთელი წელი, რიგი ადამიანებისა, მათ შორის ჩემი ყოფილი კოლეგები, შესაშური მოტივაციით, სიჯიუტითა და სინშირით აუღერებდნენ ამ დეზინფორმაციას. იმ წელმა ჩაიარა და ვნახეთ, რომ არც ერთი დღე არ გვეჩინა შეფერხება. ასე მოხდება წელსაც. რაც შეეხება კლინიკების დავალიანებას, მთელი ამ პერიოდის განმავლობაში მსგავსი რამ არ მომხდარა. მეტიც, ორიოდე წლის წინ, რიგი სადაზღვევო კომპანიების, დავალიანების გარკვეული მენეჯმენტიც კი, სახელმწიფომ აიღო თავის თავზე, რადგან ჩვენი მოვალეობა სამედიცინო მოვლის, სამედიცინო დახმარების მიწოდების უწყვეტობის უზრუნველყოფაა.

სამედიცინო დახმარების უწყვეტობის უზრუნველყოფის გალდებულება აქვს ხელისუფლებას რეგიონებშიც, სადაც ვერ კიდევ არაერთი პრობლემა ჯანდაცვის მიმართულებით. სოფლის ექიმების მდგომარეობა გაუმჯობესდა?

გეთანხმებით, ქართულ ჯანდაცვაში ერთ-ერთი სუსტი წერტილია სოფლის ექიმის პროექტი. ერთი შეხედვით, ისე ჩანს, თითქოს თუ სოფლის ექიმებს მეტ ფულს გადაუხდის და ამბულატორიებს ააშენებ, ყველაფერი მოგვარდება. სამწუხაროდ, ასე არ არის. ხელფასი და ამბულატორიები აუცილებელია, მაგრამ არასაკმარისი, რადგან, პირველ რიგში, სოფლის ექიმების გადამზადება საჭირო. მათი სტატუსი საკმაოდ ჩამორჩა თანამედროვე მიდგომებს. ამ ფონზე, სოფლის ექიმის პროექტს განსაკუთრებულ ყურადღებას ვაქცევთ. პროგრამა, რომელიც დაწყებულია, მოიცავს რამდენიმე ელემენტს – დაფინანსების გაზრდას, ქსელური მართვის უზრუნველყოფას, სადა რა სერვისები მიიღონ, ინფრასტრუქტურულ მხარდაჭერასა და ექიმებისა და ექთნების კვალიფიკაციის ამაღლებას. ამ პრობლემის მოგვარებას სისტემური მიდგომა სჭირდება. მუშაობა უკვე დაწყებულია და შედეგებს მალე ვნახავთ. რაც შეეხება ანაზღაურებას, პრობლემა იყო კომპლექსური – მათი ანაზღაურების 50%-ს იხდიდნენ კერძო კომპანიები (თავის მხრივ, ამ თანხას მათ ჯანდაცვის სამინისტრო ურიცხავდა), დანარჩენ 50%-ს პირდაპირ ჯანდაცვის სამინისტრო რიცხავდა. კერძო ოპერატორი კომპანიების მიერ თანხის გადარიცხვა ხშირად რამდენიმე თვით გვიანდებოდა.

შესაბამისად, ეს ადამიანები ისედაც ნახევარი ხელფასის ნახევარს იღებდნენ. ამას ემატებოდა ისიც, რომ იმ თანხიდანაც, ვალდებულება ჰქონდათ, შეეძინათ მედიკამენტები, გადაეხადათ იჯარის ქირა, კომუნალური გადასახადი... გამოსავალი მარტივად გამოვანხეთ. მართვა სახელმწიფომ მთლიანად თავის თავზე აიღო. 100%-ს სამინისტრო იხდის და ეს თანხა მიღის ყოველგვარი დავიანების გარეშე. პარალელურად, სახელმწიფომ აიღო თავზე მედიკამენტების, სახარჯი მასალისა და სხვა ხარჯების უზრუნველყოფა. ექიმის სპეციალურ ჩანთებსაც კი ვუკვეთავთ მათთვის. დამატებით, ბიუჯეტი, რომლითაც სოფლის ექიმები ფინანსდებოდნენ, გაეზარდა 30%-ით. ჯერჯერობით, ეს რამდენიმე მნიშვნელოვანი ნაბიჯი გადაიღდა მათი პირობების გასაუმჯობესებლად. მომავალშიც არაერთ სიახლეს ვგეგმავთ. ეს კი, ცხადია, იმის დადასტურებაა, რომ ხელისუფლებისთვის ჯანდაცვა პრიორიტეტულია და ჩვენი მიზანია, დროული, უმაღლესი ხარისხის სამედიცინო მომსახურება, საქართველოს ყველა მოქალაქისთვის იყოს ხელმისაწვდომი იმის მიუხედავად, დედაქალაქში ცხოვრობს თუ მალაქითადაც რეგიონში.

ბატონო დავით, სოციალური დახმარების გარეშე ბოლო დროს ათასობით მოქალაქე დარჩა, რამაც მათი გაღიზიანება გამოიწვია. ეს ის საკითხია, რის გამოც ხშირად გაკრიტიკებენ. რატომ რჩებიან ადამიანები შემწეობის გარეშე, რა კატეგორიის მოსულები დახმარება და სამომავლოდ თუა მათთვის სამინისტროს მხრიდან რაიმე დაგეგმილი?

მართლაც, ამ საკითხის გამო ხშირად მატარებენ კრიტიკის ქარ-ცეცხლში. რამდენჯერმე შეეცვალა სოციალური სტატუსის მინიჭების მეთოდოლოგია. ვეცადეთ და ვფიქრობ, წარმატებით გამოვივიდა, ამ მეთოდოლოგიისთვის მოგვეცილებინა პოლიტიკური შემადგენელი. ჩანდა, რომ სოციალური დახმარების მიმღებთა რაოდენობა საბტომისებურად იზრდებოდა წინასწარჩვენი პერიოდებში. უბრალოდ, მოხდა სოციალური დაწესებულების დიფერენცირება. ყველაზე მეტად გაჭირვებული ოჯახები მეტ დახმარებას იღებენ. 30 000 ქულამდე ოჯახებს 60-ლარიანი დახმარება აქვთ, ყველაზე მაღალი ქულა 60 000-65 000-ია და ისინი 30-ლარიან დახმარებას იღებენ. ოჯახის ყველა წევრი, ყველა დონეზე თანაბარ დახმარებას იღებს. ყოველ ბავშვზე 10-ლარიანი დანამატია და დანამატებს იღებს ყველა ოჯახი, მათ შორის, 65 000 ქულის ჩათვლით. სამაგეროდ, კონკრეტული ნივთების, ტელევიზორის ან მაკივრის გამო, მათ სტატუსის გარეშე არაფერი დატოვებს. მეთოდოლოგიის შეცვლის მიზანი იყო, თავიდან აგვერიდებინა სტატუსის არაობიექტურად მიღების საფრთხე. ადამიანთა რაოდენობა, რომლებიც სოციალური შემწეობებს იღებენ, მუდმივად იცვლება. საშუალოდ, თვეში 5 ათასის ფარგლებში. სოციალური სტატუსის დაკარგვის შემთხვევების 70%-ის მიზეზი ის იყო, რომ კონკრეტულად ადამიანებს გამოუჩნდათ დროებითი სამსახური და არ შეატყობინა შესაბამისი უწყებებს. ასეთ შემთხვევაში, სისტემა მას ავტომატურად ბლოკავს. არ გამოვრიცხავ, ამ პროცედურის დროს ისეთი კატეგორიაც დაზარალდა, ვისაც ყველაზე მეტად სჭირდებოდა შემწეობა, თუმცა მონაცემთა ეს ბაზები მუდმივად განახლებადია. სამომავლოდ, ვაპირებთ, კიდევ ერთხელ, საფუძვლიანად გადაიხედოს ეს მონაცემები და ზუსტად განისაზღვროს, ვინ, რა მიზეზით დაკარგა სტატუსი. ხელისუფლებამ, მმართველი ძალა, არ დაუშვა, სტატუსის გარეშე დარჩენ, მართლაც, სიღარიბის ზღვარს ქვემოთ მყოფი მოქალაქეები, რომლებზე ზრუნვაც ჩვენი ერთ-ერთი მთავარი პრიორიტეტია.

რასაც საზოგადოების არაერთგვარად



მინაზე საკუთრების რეგისტრაცია გაპარტივდა

პირველი აგვისტოდან ძალაში მიწის რეგისტრაციის ახალი კანონი შევიდა, რეფორმა, რომლის ინიციატორი იუსტიციის სამინისტროა, უძრავი ქონების რეგისტრაციის პროცედურების გამარტივებასა და მესაკუთრის უფლებების დაცვაზე ორიენტირებული.



ინიციატივამ მოქალაქეების მალა-ლი ინტერესი გამოიწვია, რაც პირველი თვის შედეგებზე დასტურდება: პირველი აგვისტოდან დღემდე საჯარო რეგისტრაციაში, მთელი ქვეყნის მასშტაბით, 45 575 განცხადება შევიდა. აქედან 12 164 შემთხვევაში საჯარო რეგისტრაცია თავად მოიძია საჯარო საბუთები და ყოველგვარი ბარიერის გარეშე მოქალაქეს მიწა წარმატებით დაუბრუნებია. 25 743 შემთხვევაში საჯარო რეგისტრაცია მოქალაქის ნაცვლად თავად დაიწყო სხვადასხვა უწყებაში შესაბამისი საბუთების მოძიება და ამ განცხადებათა დიდი ოდენობა ასევე წარმატებით დასრულდება, 4 648 განცხადება კი შესწავლის პროცესშია.

ლაქის ინტერესში წარმატებული მუშაობისათვის. ეს რეფორმა მთლიანად ცვლის საჯარო რეგისტრაციის და მას მოქალაქის მეგობრად აქცევს, - განაცხადა იუსტიციის მინისტრმა თეა წულუკიანი პრეზენტაციის ერთ-ერთი შედეგების შეჯამებისას.

რეფორმის დაწყების მიზეზი მიწის რეგისტრაციის კუთხით არსებული პრობლემები გახდა. პირველი აგვისტოს მონაცემებით, ქვეყანაში არსებული მიწის ნაკვეთების მხოლოდ 25: იყო რეგისტრირებული. რეფორმის დადებითად აფასებს ექსპერტი დავით თამარაშვილი: „მიწის ბატონა ფართობების მესაკუთრეებს კარგი შესაძლებლობა აქვთ, ისარგებლონ ამ პროცესით და საკუთრების რეგისტრაციის პროცესი დაიჭაირონ. მიმართა, რომ ეს პროცესი ცალსახად ხელს შეუწყობს ქვეყანაში მიწის ბაზრის განვითარებას, რაც აგროსექტორის განვითარების ერთ-ერთი წინაპირობაა. იმედი მაქვს, ეს პროცესი მოიცავს ქართულ მიწებს მთელი ქვეყნის, მათ შორის აფხაზეთისა და სამაჩაბლოს ტერიტორიაზე. ამ ტერიტორიებიდან წამოსულ დევნილებს აქვთ მიწის ნაკვეთები და საკუთრების უფლება, რომელსაც შესაბამისი რეჟიმით სახელმწიფო რეგისტრაცია სჭირდება, რაც ქართულ სახელმწიფოს ადრე თუ გვიან მისცემს იურიდიული ბრძოლის წინაპირობებს, რადგან რაც ფაქტობრივად დათმობილი, ის იურიდიულად არ უნდა იქნეს აღიარებული“,- აცხადებს ის.

სახლის შედეგად დოკუმენტებში არსებული უმნიშვნელო ხარვეზები (გვარის შეუსაბამობა, უზუსტობა ასოებში და ა.შ.), რის გამოც ზოგიერთი მოქალაქე მიწის რეგისტრაციის წლების განმავლობაში ვერ ახერხებდა, ხელისშემშლელი გარემოება აღარ არის, რასაც ვერძემოთერ მარგალიტაშვილი მნიშვნელოვნად მიიჩნევს. „აქამდე ქაოტურად ხდებოდა მიწის რეგისტრაცია, ძალიან დიდი დრო მიჰქონდა ერთი დოკუმენტის მოწესრიგებას. მაგალითად, წინაპრების დანაწილები მიწები დღეს ძალიან ბევრს ისევ არ აქვს დარეგისტრირებული. კარგი შანსია ჩვენთვის. ვაპირებ, გამოვიყენო და ყველა დოკუმენტი წესრიგში მოვიყვანო“,- ამბობს მარგალიტაშვილი.

„მინდა, ამ უბრუნებელთა და მოქალაქეზე ორიენტირებული რეფორმის წარმატებისათვის კვირაში 7-დღიანი და თავდადებული მუშაობისათვის განსაკუთრებული მადლობა გადავუხადო საჯარო რეგისტრაციის თითოეულ რეგისტრატორს, კადასტრისა თუ ახალი ტექნოლოგიების თითოეულ სპეციალისტს, იურისტს, არქიტექტს, არქივირებელს და სკანერზე მომუშავე თანამშრომელს. როდესაც ჩვენ ამ რეფორმის კანონპროექტს ვწერდით, ვიცოდით, რომ მისი პრაქტიკაში განხორციელება დიდი გამოწვევა იქნებოდა საჯარო რეგისტრაციისათვის. მიხარია, რომ დღეს თამამად შემიძლია, მადლობა ვუთხრა საჯარო რეგისტრაციის თანამშრომლებს მოქა-

სასამართლოს გარეშე მოგვარებას სთავაზობს.

ასევე, რეფორმის ფარგლებში მოქმედებს ფაქტების კონსტატაცია: იმ შემთხვევაში, როდესაც საკუთრების უფლების დამდგენი დოკუმენტით მიწის ნაკვეთის მდებარეობა, საზღვრები და ა.შ. არ დგინდება ან სადავო სიტუაცია ჩნდება, საჯარო რეგისტრაციის ფაქტების დასაზუსტებლად აღსრულების ეროვნულ ბიუროს თავად მიმართავს და პროცესში ამ უწყების წარმომადგენელს რთავს.

პროექტის ფარგლებში უფასოდ ისარგებლებთ შემდეგი მომსახურებებით:

დოკუმენტაციის მოძიება და სისტემატიზაცია; ნოტარიუსის მიერ გარიგებაზე მხარეთა ხელმოწერის დამოწმება; მედიაცია, მათ შორის, სანოტარო მედიაცია; მიწის ნაკვეთზე საკუთრების უფლების აღიარება; ფაქტების კონსტატაცია; მიწის ნაკვეთზე საკუთრების უფლების პირველადი რეგისტრაცია; საკადასტრო აზომებით ნახაზის გარეშე რეგისტრირებული მიწის ნაკვეთების დაზუსტება (რაც გულისხმობს ელექტრონული ნახაზის გარეშე არსებული მონაცემების დაზუსტების მიზნით ცვილილების რეგისტრაციის უფასოდ). საკუთრების უფლების დადგენის პროცესში ჩართულია მუნიციპალიტეტი როგორც ადგილზე არსებული ინფორმაციის ყველაზე ეფექტური წყარო.

მიწის ნაკვეთის რეგისტრაციისთვის მოქალაქეებს შეუძლიათ, მიმართონ იუსტიციის სახლებს, საჯარო რეგისტრაციის ტერიტორიულ სამსახურებსა და საზოგადოებრივ ცენტრებს. დამატებითი ინფორმაციის მიღება შესაძლებელია ცხელ ხაზზე: 2 405 405 ან ელექტრონული ფოსტით:

info@napr.gov.ge

რა უნდა იცოდეს ამომრჩეველმა?

ვის აქვს კენჭისყრის დღეს უბანზე ყოფნის უფლება?

საუბნო საარჩევნო კომისიის წევრებს; ზემდგომი საარჩევნო კომისიის წევრებს/წარმომადგენლებს; საარჩევნო სუბიექტების წარმომადგენლებს (ერთი და იმავე საარჩევნო სუბიექტის არაუმეტეს 1 წარმომადგენელს); რეგისტრირებული ადგილობრივი დამკვირვებელი ორგანიზაციის დამკვირვებლებს (ერთი და იმავე ადგილობრივი დამკვირვებელი ორგანიზაციის არაუმეტეს 1 დამკვირვებელს); რეგისტრირებული საერთაშორისო ორგანიზაციის დამკვირვებლებს (ერთი და იმავე საერთაშორისო ორგანიზაციის არაუმეტეს 2 დამკვირვებელს (მათ შესაძლოა ახლდეთ თარჯიმანი); მედიის აკრედიტებულ წარმომადგენლებს (ერთი და იმავე პრესისა და მასობრივი ინფორმაციის სხვა საშუალების არაუმეტეს 3 წარმომადგენელს).

რისი უფლება აქვს დამკვირვებელს?

კენჭისყრის დღეს ნებისმიერ დროს იმყოფებოდეს კენჭისყრის შენობაში, შეუზღუდავად გადაადგილდეს საარჩევნო უბნის ტერიტორიაზე და თავისუფლად, დაუბრკოლებლად დააკვირდეს კენჭისყრის პროცესის ყველა ეტაპს ნებისმიერი ადგილიდან; 4 კენჭისყრის დღეს ნებისმიერ დროს შეენაცვლოს მისი წარმდგენი ორგანიზაციის სხვა რეგისტრირებულ წარმომადგენელს.

რა უნდა გაკეთდეს თუ კენჭისყრის დღეს ამომრჩეველთა ერთიან საიში ამომრჩევლის შესახებ მონაცემები არ მოიძებნა?

საარჩევნო უბანზე ელექტრონული სიების არსებობის შემთხვევაში მონაცემთა გადამოწმებისთვის პასუხისმგებელი პირი ვალდებულია ამომრჩეველი მოძიებოს ელექტრონულ სიებში და მიაწოდოს ინფორმაცია იმ უბნის შესახებ,

რომელშიც არის რეგისტრირებული; საარჩევნო უბანზე ელექტრონული სიების არარსებობის შემთხვევაში მონაცემთა გადამოწმებისთვის პასუხისმგებელი პირი უნდა დაუკავშირდეს საოლქო საარჩევნო კომისიას ან ცესკოს ცხელ ხაზს ამომრჩეველის შესახებ ინფორმაციის მისაღებად.

შეძლება თუ არა, ხმის მიცემის პროცესს დაესწროს სხვა პირი?

საარჩევნო უბანზე ელექტრონული სიების არსებობის შემთხვევაში მონაცემთა გადამოწმებისთვის პასუხისმგებელი პირი ვალდებულია ამომრჩეველი მოძიებოს ელექტრონულ სიებში და მიაწოდოს ინფორმაცია იმ უბნის შესახებ, რომელშიც არის რეგისტრირებული; 4 საარჩევნო უბანზე ელექტრონული სიების არარსებობის შემთხვევაში მონაცემთა გადამოწმებისთვის პასუხისმგებელი პირი უნდა დაუკავშირდეს საოლქო საარჩევნო კომისიას ან ცესკოს ცხელ ხაზს ამომრჩეველის შესახებ ინფორმაციის მისაღებად.

თუ გაუფუჭდა ამომრჩეველს ბიულეტენი იმ შემთხვევაში?

თუ ამომრჩეველს ან საუბნო საარჩევნო კომისიის წევრს გაუფუჭდა საარჩევნო ბიულეტენი ან სპეციალური კონვერტი, მათ ეს უნდა აცნობონ კომისიის თავმჯდომარეს. კომისიის თავმჯდომარის დავლებით ამომრჩეველთა რეგისტრაციის ვალდებულია ამომრჩეველს შეუცვალოს გაფუჭებული საარჩევნო ბიულეტენი/სპეციალური კონვერტი ახლით. კომისიის თავმჯდომარე გაფუჭებულ ბიულეტენს ახალით შეუძლია თუ არა ნებისმიერ პირს შე-



ტანოს ჩანაწერთა წიგნში პრეტენზია?

არავის არ აქვს უფლება, ხელი შეუშალოს კენჭისყრის შენობაში ყოფნის უფლების მქონე პირს, კენჭისყრის დღის ჩანაწერთა წიგნში შეიტანოს პრეტენზია, შენიშვნა ან საჩივარი. კენჭისყრის დღის ჩანაწერთა წიგნში ჩანაწერის შემტანი პირი ვალდებულია მიუთითოს თავისი გვარი, სახელი და მისამართი (საქართველოს მოქალაქის პირადობის მოწმობის მიხედვით). კომისიის მდივანი განცხადებას/საჩივარს რეგისტრაციაში გაატარებს სარეგისტრაციო-კურნალის შემოსული.

რა შემთხვევაში შეიძლება გამოძახებულ იქნას პოლიცია?

თუ კენჭისყრის შენობაში ან მის მიმდებარე ტერიტორიაზე საფრთხე ექმნება კენჭისყრის ჩატარებას ან საარჩევ-

ნო დოკუმენტაციის უსაფრთხო გადაადგილებას, საუბნო საარჩევნო კომისიის თავმჯდომარის მოთხოვნით შეიძლება გამოძახებულ იქნენ და დარღვევის აღკვეთაში კენჭისყრის შენობაში/მის მიმდებარე ტერიტორიაზე იმყოფებოდნენ პოლიციის მუშაკები.

გამოიყენება თუ არა გადასატანი ყუთი დროს მარკირება?

მარკირება არ გამოიყენება გადასატანი საარჩევნო ყუთის მეშვეობით კენჭისყრაში მონაწილე ამომრჩეველთა მიმართ.

საჯაროა თუ არა შემაჯამებელი ოქმი?

კომისია ვალდებულია კენჭისყრის შედეგების შემაჯამებელი ოქმების ასლები გამოაკრას საჯარო ვაცნობისათვის. კომისია კენჭისყრის შედეგების შემაჯამებელი ოქმების ასლებს, კომისიის წევრთა თანდართული განსხვავებული

აზრებით (ასეთის არსებობის შემთხვევაში), მოთხოვნის შემთხვევაში დაუყოვნებლივ გადასცემს კენჭისყრის შენობაში ყოფნის უფლების მქონე ყველა პირს. კენჭისყრის შედეგების შემაჯამებელი ოქმების ასლები უნდა დამოწმდეს კომისიის სპეციალური ბეჭდით, კომისიის თავმჯდომარისა და კომისიის მდივნის ხელმოწერებით. კენჭისყრის შედეგების შემაჯამებელი ოქმების 30 ასლების მიღებას მიმდებარე პირი კენჭისყრის დღის ჩანაწერთა წიგნში ხელმოწერით ადასტურებს. კომისია ვალდებულია კენჭისყრის შედეგების შემაჯამებელი ოქმები, შესწორების ოქმსა და რეგისტრატორების წერილობით ახსნა-განმარტებებთან ერთად (ასეთის არსებობის შემთხვევაში) დაუყოვნებლივ გადაუზღვეს ცესკოს.

მომზადდა მაკა ჩინიჯიშვილმა

რატომ დააკავეს იმერეთის კრიმინალური პოლიციის უფროსი

კრიმინალური პოლიციის იმერეთის სამხარეო სამმართველოს უფროსი გიორგი კაჭარავა ქუთაისში ჩატარებული სპეცოპერაციის დროს დააკავეს.

შინაგან საქმეთა სამინისტროს პრესსამსახურის უფროსმა, თეა პერტაიამ საგანგებო ბრიფინგზე გააკეთა განცხადება, რომ კრიმინალური პოლიციის იმერეთის სამხარეო სამმართველოს უფროსი გიორგი კაჭარავა წინასწარი შეთანხმებით დიდი ოდენობით ქრთამის გამოძალვის ბრალდებითაა დაკავებული.

მისივე თქმით, კაჭარავასთან ერთად დაკავებულია სამმართველოს დეტექტივ-გამომძიებელი ზურაბ ჭ.

ბრიფინგზე ითქვა ასევე, გამოძიებამ დაადგინა, რომ გიორგი კაჭარავამ ნარკოტიკული საშუალების უკანონოდ შექმნა-შენახვის ფაქტზე მოწმის სახით დაბარებულ მოქალაქეს უსაფრთხოებისა და ხელშეუხებლობის გარანტიად, ასევე იმავე ბრალდებით დაკავებული მისი ახლობლისათვის საპროცესო შეთანხმების გაფორმების უზრუნველსაყოფად გარკვეული თანხის გადახდა მოსთხოვა.

გამომძიებლის ცნობით, მიმდინარე წლის 16 აგვისტოს შს-ს ცენტრალური კრიმინალური პოლიციის დეპარტამენტის იმერეთის სამხარეო სამმართველოს თანამშრომლებმა, ნარკოტიკული საშუალების უკანონოდ შექმნა-შენახვის ფაქტზე, მოქალაქე ჯ.ჯ. დააკავეს, ხოლო მასთან ერთად მყოფი მოქალაქე - ბ.უ. მოწმის სახით გამოკითხვის მიზნით ქუთაისში, შს-ს ცენტრალური კრიმინალური პოლიციის დეპარტამენტის იმერეთის სამხარეო სამმართველოს შენობაში დაიბარეს.

პოლიციის შენობაში ყოფნის დროს მოწმის სახით დაბარებულ ბ.უ-ს შს-ს ცენტრალური კრიმინალური პოლიციის დეპარტამენტის იმერეთის სამხარეო სამმართველოს უფროსი გიორგი კაჭარავა შეხვდა, რომელმაც აღნიშნულ მოქალაქეს, უსაფრთხოებისა და ხელშეუხებლობის გარანტიად, გარკვეული ოდენობის თანხის გადახდა მოსთხოვა.

მიმდინარე წლის აგვისტოში ქუთაისში, ბ.უ. შეხვდა გიორგი კაჭარავას და შინაგან საქმეთა სამინისტროს ცენტრალური კრიმინალური პოლიციის დეპარტამენტის იმერეთის სამხარეო სამმართველოს თანამშრომელ ზურაბ ჭ-ს, რა დროსაც, გიორგი კაჭარავას მითითებით, ზურაბ ჭ-ს მოთხოვნილი თანხის ნაწილი გადასცა.

ორი დღის შემდეგ ბ.უ. ისევ შეხვდა გიორგი კაჭარავას და ზურაბ ჭ-ს, რომლებმაც პროკურატურის სახელით მისი ახლობლის, ნარკოტიკული საშუალების უკანონოდ შექმნა-შენახვის ფაქტზე დაკავებული ჯ.ჯ.-სთვის საპროცესო შეთანხმების გაფორმების უზრუნველსაყოფად, ოფიციალურად, სახელმწიფო ბიუჯეტში გადასახდელი ჯარიმის სახით, 30 000 ლარი, ხოლო დამატებით, არაოფიციალურად, ქრთამი მოითხოვეს.

მიმდინარე წლის 14 სექტემბერს გიორგი კაჭარავამ და ზურაბ ჭ-მ ბ.უ-ს გამოძალავს მათ მიერ მოთხოვნილი თანხა, რა დროსაც ორივე მათგანი დააკავეს, -ნათქვამია შს-ს მიერ გავრცელებულ პრესრელიზში.

გამომძიებელ სისტემის სამართლის კოდექსის 338-ე მუხლის მეორე და მესამე ნაწილებით მიმდინარეობს, რაც 11-დან 15 წლამდე ვადით თავისუფლების აღკვეთას გულისხმობს.

პარტიები ქუთაისში სააბიტაციო მასალებს კანონდარღვევით ავრცელებენ

საქართველოში ჩატარებული არჩევნების პრაქტიკამ აჩვენა, რომ წინასაარჩევნო პერიოდში აქტიულოდ პარტიების მიერ სააბიტაციო მასალების განთავსების პრობლემა, რის აღმოსაფხვრელადაც ცენტრალურმა საარჩევნო კომისიამ და ადგილობრივმა თვითმმართველობამ რამდენიმე ღონისძიება გაატარა. გაზეთი P.S დაინტერესდა, რა მდგომარეობაა ამ მხრივ ქუთაისში.

2016 წლის 13 ივნისს ქუთაისის მერიამ გამოსცა ბრძანება, რომლის თანახმადაც განისაზღვრა სააბიტაციო მასალების განთავსების ადგილები. "ბეჭდვითი სააბიტაციო მასალების (პლაკატების) გავრცელება აკრძალულია საკულტო ნაგებობებზე, კულტურული მემკვიდრეობის ძეგლებზე, სახელმწიფო ხელისუფლებისა და ადგილობრივი თვითმმართველობის ორგანოების, სასამართლოების, პროკურატურის, სამხედრო შენაერთებისა და პოლიციის შენობების ინტერიერსა და ექსტერიერში, საგზაო ნიშნებზე, აგრეთვე ქალაქ ქუთაისის ტერიტორიაზე არსებულ გარეგანათების ბოძებზე..." ქალაქის მასშტაბით დადგენილია 11 სტენდი, სადაც უნდა განთავსდეს ყველა პარტიის სააბიტაციო პლაკატი.

სტენდები სპეციალურად ამ არჩევნებისთვის არ დადგმულა, ისინი რამდენიმე წლის წინ განთავსდა ქალაქში და პარტიები იყენებდნენ მას წინა არჩევნებზეც. ვთვლით რომ საკმარისია, ვინაიდან დაემატა მხოლოდ 2 სააბიტაციო ადგილი, ქალაქ ქუთაისის მოსაზღვრე-ახალგაზრდობის პარკი და ხარაზოვის ბაღში არსებული შენობა, სტენდების რაოდენობა კი უცვლელი დარჩა. აუცილებლობის შემთხვევაში სტენდებსაც დავამატებდით - განაცხადა ეკა მაისიერიშვილმა, ქუთაისის მერიის პრესსამსახურის უფროსმა.

პოლიტიკური პარტიების მიერ საარჩევნო კამპანია აქტიურ ფაზაში შევიდა. საარჩევნო-სააბიტაციო მასალების განთავსების წესები ყველა არჩევნებზე უხეშად ირღვევა. სააბიტაციო მასალების არასწორად განთავსება მოქმედი ხელისუფლების მაჟორიტარობის კანდიდატმა დაიწყო. დიმიტრი მხეიძეს მიბაძეს სხვა პარტიის კანდიდატებმაც და დღეს ქუთაისი ყველა ცენტრალური ქუჩის საგზაო ნიშნები და გარე განათების ბოძები მაჟორიტარობის კანდიდატების პლაკატებითაა დასაფარებული.

პლაკატებისთვის გამოყოფილი სტენდების უმრავლესობა დღემდე თავისუფალია. როცა "პატრიოტთა ალიანსის" მოხალისეებს აფუხსენით, რომ ეს კანონის დარღვევაა. მათ გვიპასუხეს, რომ უფროსების დაფარებას ასრულებენ.



ქ.ჯ.შოთაშვილი - ლიკა ლავდარიანი ©

აღნიშნულ კანონდარღვევასთან დაკავშირებით ქუთაისის მერიის პრესსამსახურმა ჩვენთან საუბარში განაცხადა, რომ ის პარტიები, რომელთა კანდიდატებმაც დაარღვიეს კანონი, მიიღებენ გაფრთხილებას პლაკატების ჩამოხსნასთან დაკავშირებით. დაუმორჩილებლობის შემთხვევაში, საქმე გადაეცემა სასამართლოს, პარტიის დაჯარიმების მოთხოვნით. ჯარიმის ოდენობა მიზერულია - 50 ლარი. როგორც ჩანს, არც ერთ პარტიას არ უღირს ამ თანხის გამო კანონის პატივისცემა, ან მერის ბრძანება უბრალოდ არც წაუკითხავთ.

ამ დროისთვის კანონი დაარღვიეს: "ქართული ოცნების" კანდიდატმა დიმიტრი მხეიძემ, "საქართველოს პატრიოტთა ალიანსის" კანდიდატმა გრიგოლ ბახტაძემ, "პატა ბურჭულაძე-სახელმწიფო ხალხისათვის" კანდიდატმა თემურ ცამციშვილმა და ნაციონალური მოძრაობის კანდიდატმა აკაკი ბოზოხიძემ.

მეზო კაკაბაძე - ლიკა ლავდარიანი ©



ქ.ჯ.შოთაშვილი - ლიკა ლავდარიანი ©

იცოდა შენი უფლებები!

სახელმწიფო პროექტის ფარგლებში შესრულებული საკადასტრო აგეგმვითი/აზომვითი სამუშაოების საფასურის ანაზღაურების ნესი

1. კითხვა: როგორ მოვაშადათ და წარვადგინოთ სასაფლო-სამეურნეო მიწის საკადასტრო აგეგმვითი/აზომვითი ნახაზები?

პასუხი: კანონმდებლობით დადგენილი ფიზიკური ან კერძო სამართლის იურიდიული პირი უფლებამოსილია, მოითხოვოს მიწის ნაკვეთის მის საკუთრებად პირველადი რეგისტრაცია ან/და რომელსაც მოპოვებული აქვს საკუთრების უფლება საკუთრების ობიექტზე დაუზუსტებელი სახით, მიმართავს ამზომველს, მასთან აფორმებს წერილობით ხელშეკრულებას, რის შემდეგ მზადდება მიწაზე შესაბამისი საკადასტრო აგეგმვითი/აზომვითი ნახაზი. შემდეგ ეტაპზე მიწის რეგისტრაციის მიზნით დაინტერესებული პირი კანონმდებლობით განსაზღვრული დოკუმენტების გარდა, სსიპ საჯარო რეესტრის წარუდგენს:

- ა) ამზომველთან გაფორმებულ შენობის ხელშეკრულებას;
ბ) შესრულებული სამუშაოს დამადასტურებელ მიღება-ჩაბარების აქტს;
გ) ამზომველის მიერ გაწეული მომსახურების ხარჯების ამსახველ დოკუმენტს;
დ) ამზომველის საბანკო ანგარიშის რეკვიზიტებს.

2. კითხვა: რა ხარჯებს ანაზღაურებს

სახელმწიფო? პასუხი: სახელმწიფოს მხრიდან ანაზღაურება ექვემდებარება ამზომველსა და დაინტერესებულ პირს შორის გაფორმებული ხელშეკრულებით განსაზღვრული და დადგენილი წესით რეგისტრირებული მიწის აზომვაზე გაწეული ხარჯები, თითოეულ მესაკუთრეზე არაუმეტეს 5 (ხუთი) ჰექტრის ფარგლებში.

3. რა ოდენობით განისაზღვრება ამზომველისთვის ასანაზღაურებელი ხარჯები?

პასუხი: ამზომველისთვის ასანაზღაურებელი ზღვრული ოდენობები განისაზღვრება შემდეგი სახით:
ა) 1,5 ჰა-მდე მიწაზე - არაუმეტეს ჯამში 80 ლარის ოდენობით;
ბ) 1,5 ჰა-დან 5 ჰა-მდე მიწაზე - არაუმეტეს ჯამში 100 ლარის ოდენობით.

4. კითხვა: რა ხარჯებს არ ანაზღაურებს სახელმწიფო?

პასუხი: ანაზღაურებას არ ექვემდებარება მიწის აზომვაზე გაწეული ხარჯები, თუ დაინტერესებული პირის საკუთრების უფლების დამადასტურებელი დოკუმენტის ან მიწის მართლზომიერი მფლობელობის (სარგებლობის) დამადასტურებელი დოკუმენტით გათვალისწინებული მიწა, რეესტრში დარეგისტრირდა გეოგრაფიულად ერთმანეთის მომიჯნავე ცალკე რეგისტრაციის ობიექტებად.

5. კითხვა: რა ვადაში უნდა მოხდეს დაინტერესებული მხარის მიერ განცხადების წარდგენა?

პასუხი: პასუხი: მიწის რეგისტრაციით დაინტერესებულ პირთა მიერ რეესტრში განაცხადის წარდგენის ვადა არაუგვიანეს 2017 წლის 30 ივნისი.



საქართველოს საჯარო ადმინისტრაციის სააგენტო



EAST • WEST MANAGEMENT INSTITUTE კანონის უზენაესობის მხარდაჭერა საქართველოში (PROLOG)

მთავარი რედაქტორი: ნატო გუბელაძე
ღიზინი: ირმა ბახუტაშვილი

გაზეთი ხელმძღვანელობს თავისუფალი პრესის პრინციპებით. არ გამოხატავს არცერთი პოლიტიკური პარტიის ინტერესებს. აცხადებს მოსაზრებას შეიძლება, არ ემთხვეოდეს რედაქციისას. — ნიშნით აღნიშნულია სტატია, რომელიც განთავსებულია სარეკლამო ფართზე

გამომცემელი — შპს „P.S.“ („პოსტსკრიპტუმი“). ქუთაისის სასამართლოს რეგისტრაცია №5/ბ-1401
გაზეთი „P.S.“-ის კლასიფიკაციის კოდი: UDC (უაქ) 3+32] (479.22) (054) ბ - 658 P - 86
მისამართი: ქუთაისი, რუსთაველის გამზირი №37. პრესის სახლი. • (032) 2 422 470, (0 431) 24-45-46. • psnews27@gmail.com • www.psnews.ge